

مجموعه ابو الضیاء

ماسوا شایع شدن دلی تطهیر چالش
بر تو حکمت و عرفان ایله توره آتش

علوم و معارفدن بحث ایدر. و هر ماه عربی ابتدا سیله اون بشته نشر اولور مجموعهدر.

عدد ۳۰ - جلد ۳ [۱۵ ربيع الاول سنه ۱۳۰۰] نسخه سی ۳ غروش

بوايستایستيقدن آكلاشلدیغنه كوره ساعتچيك صنعتی سنوی
 ۲۰۰ میلیون فرانك قیمتندہ اعمالاندہ بولنیور .
 ایدیلان حسابہ نظراً سنوی ۳۵۰۰۰۰۰ جیب و ۴۰۰۰۰۰۰
 دیوار ساعتی اعمال ایدلمکده در که بومقدارك ۱۵۰۰۰۰۰ عددی اسویچره
 ده و ۵۰۰۰۰۰۰ بیکی فرانسهده و ۳۵۰۰۰۰۰ عددی آمریقاده وتقريباً
 ۲۰۰۰۰۰ بیکی انكلترده اعمال ایدلمکده در .

مكارم اخلاق و افعال جوانمردانه

عبدالمجید

فابریسیئوس

اپیر قرالی پیروس علیهنه آچدقلری محاربه ائناسنده رومالیرك
 اردوگاهنه مجهول بر آدم كلهرك پیروسك طیب خاصی طرفندن روما
 قونسولوسی فابریسیئوسه برمکتوب تقدیم ایدر .
 طیب بومکتوبنده رومالیرلی برچوق فداكارلق اختیارندن
 واپیر خلقنی بیهوده یره تلف اولمقدن قورتارمق ایچون پیروسی
 زهرلیه جگنی و بناء علیه شو خدمت عظماسنه مقابل رومالیرك بر مكافاة
 وعد ایلدیرینی اشعار ایتشیدی .
 فابریسیئوس ولو دشمنه قارشی اولسون فكر عدالتدن انحراف
 و باخصوص وسائط دناشتكارانه ايله استحصال موافقتی ارتكاب ایتك
 شانندن اولیان اعاضمدن بولندیغندن ایکنجی قونسولوس امیل ايله
 بومادهیه دائر تعاطی افكار ایلدكدن صكره پیروسه شو اهانت موعو-
 دهیه قارشی احتیاطكارانه حرکت ایتسنی مخطر آتیده کی مکتوبی یازمشلردر .
 « روما قونسولوسی فابریسیئوس ورفیق کونیئوس امیل
 قرال پیروس جنابلیرینه عرض اخلاص ایدرلر .

« دوست و دشمن لرینی طایما مقده اولدیغکزی آکلادق . بو مکتوبمزی بعد القرائه افادامیزی ذات حشمتی ایلری دخی تصدیق و اعتراف ایدرلر . چونکه مال مکتوبه واقف اولور اولماز محب ناموس و عدالت اولان کیمسه لره محاربه ایتک ایچون بر طاقم نمکچر امان ایله عقد انجمن مشورت ایتکده بولندیغکزی ادراک ایدرسکز .

« ذات حکمدار یلرینه تهلکه مصمبه یی اخبار برجه موجب افتخار در چونکه شاید اهانته و فائزلی وقوع بوله جق اولورسه رومالیر سطوت و شجاعت ایله استحصال مظفریته مقتدر اوله مدقلرندن دشمن لرینی مغلوب و پریشان ایتک ایچون حکمدار لرینی تسیم کبی آخقیجه بر تدبیره مراجعت مجبوریتنده بولندیلر کبی افترا لره هدف اولماقمنز اقوای ملحوظ اندر . »

پیروس بومکتوبی او قودقدن صکره فرط حیرتله دیرکه :
« ایشته فابریسیئوسی بوندن طانییورم؛ چونکه شمسی محرکندن چیقارمق نصل ناقابل ایسه بورومالی یی ده طریق حق و عدالتدن انحراف ایتدیرمک او قدر مشکدر . »

بونک اوزرینه پیروس مکتوبده خبر و بریلان جنایتک تحقیقاتنه مباشرت ایلدکده بوفعل کریمه طیبینک متجاسر اوله جغی تحقق ایتکله مر قومی اشد عقوبات ایله اعدام ایتدیرمش و فابریسیئوس ایله رومالیره اولان تشکرینی دخی اردو کاهنده بولنان روما اسراسنی آزاد ایتکله ابراز ایلش ایسه ده رومالیر بر جنایتی مرتکب اولمدقلری کبی برکونه احسان و مکافاتده مفتقر بولندقلرندن فابریسیئوس دخی اردوسنده بولنان ایبر اسراسندن پیروسک کوندردیکی قدر اسیر افرازایده رک بالمقابله آزاد ایلشدیر .